

Die Urkunden Karls des Großen, 138

Karolus gratia dei rex Francorum et Langobardorum ac patricius Romanorum. Cum nos in dei nomine Carisiaco villa palatio nostro ad universorum causas audiendas et recto iudicio terminandas resideremus ibique veniens advocatus sancti Dyonisii vel Fulradi abbatis nomine Ado nobis suggerebat dicens, eo quod inter Ripheronem comitem vel suos escapinos in pago Tellauo in mallo publico qui vocatur Turcarias advenisset et homines aliquos his nominibus: Goduinum et germanum suum Flodoinum et germanam eorum Damascianam, sed et Andgarium et Ercammarum et Jonatham, interpellasset repetens ab eis et dicens, eo quod rem sancti Dyonisii in ipso pago Tellauo in loco qui dicitur Sonarciaga villa super fluvium Itta, quem sanctus Dyonisius per suum brachium conquisivit, post se retinebant in sua potestate malo ordine. Sed ipsi Flodoinus et Goduinus et eorum germana Damascia, sed et Andgarius et Ercammarus et Jonathas in presenti aderant et cum interrogaretur ab eis, utrum quid de hac causa contra hominem nomine Adonem, advocatum sancti Dyonisii, dicere vellent, numquam potuerunt tradere vel deducere rationem, per quam ipsam rem sancti Dyonisii Sonarciagam villam habere potuissent, sed ipsi per suos wadios ibidem in presenti prefatum Adonem, advocatum sancti Dyonisii, investiverunt et fidem exinde, sicut lex continuit, ibidem fecerunt. Proinde opportunum fuit ipsi Adoni, advocato sancti Dyonisii, ut talem noticiam bonorum hominum manu firmatam vel ipsius comitis nomine Ripherii seu qui ibidem fuerunt sedentes prendere et accipere deberet; quod ita et fecit, ut ad longum tempus ipsam rem Sonarciagam villam contra iam dictos homines ad partem sancti Dyonisii habeat evendicatam et elidigatam. Unde et advocatus sancti Dyonisii vel Fulradi abbatis, videlicet Ado, suam noticiam, quam se proposuit habere, ante nos legibus optulit vel adpresentavit ad relegendum. Relecta ipsa noticia interrogatum fuit ab ipso Riphero comite, si hec causa vel ipsa noticia vera et verax erat aut non; sed ipse Ripherus comes nobis taliter suum prebuit testimonium, quod hec causa vel ipsa noticia vera et verax esset. Proinde nos taliter una cum fidelibus nostris id est Richardo comite, Gunthardo comite, Theutbaldo comite, Griphone, Geroldo, Nortboldo, Winegiso, Walberto, Gisloldo, Aroino, Theutboldo, Constabili et Waraldo comite palatii nostri vel reliquis quam pluribus visi fuimus iudicasse, ut dum ipse Ripherus comes taliter nobis suum prebuit testimonium, quod hec causa vel ipsa noticia verax esset, propterea iubemus, ut, quia hanc causam sic actam vel perpetratam esse cognovimus, suprascriptus advocatus sancti Dyonisii contra sepe dictos homines inspecta sua noticia iam dictam villam Sonarciagam ad partem sancti Dyonisii omni tempore habeat evendicatam atque elidigatam et sit inter ipsos in postmodum ex hac re omni tempore sopita et definita atque inconvulsa causatio.

Ego Witherius notarius advicem Chrotardi recognovi. Data mense decembri die XVI anno XIII regni nostri; in dei nomine feliciter.